

1595.

1595. vilia, & judicialia conscribenda, Testesque examinandos in scriptis redigendos, & nec minus ad aliqua alia officia hujusmodi concernentia facienda, qua Notariis Civibus, ac idoneis, & habilibus ex forma Statutorum, & Constitutionum praedictarum conveniunt, sub pena privationis ipsis Notariis ab eorum officio, & Notariatus exercitio ipso jure, & facto incurrenda, prohibendo expresse ipsis Notariis, ne sub iisdem poenis, & aliis a Constitutionibus Fori, & Statutis Collegii, & Civitatis hujusmodi impositis, & inflictis, similes personas in concernentium Officium, & exercitium aliquo modo retinere praesumerent, ac hujusmodi Edicto Notarios Actuarios Fori Praetoris, ac Rotae Bononiensis Civitatis comprehendendi, & comprehensos esse decrevit, eosque Notarios praedicto Edicto, ac contentis in illo eisdem poenis subjecit, subiectosque esse voluit.

Qualitates in his requirendas, qui ad Notariatum Officium admittendi sunt designat.

§. 2. Et successive Statutis hujusmodi inharendo decrevit, statuit, & ordinavit, quod nullus Notarius, qui non esset veteris Civis origine propria paterna, & avita, vel saltem duabus ex eis, & qui non esset ex vero, & legitimo Matrimonio natus eligi, nominari, deputari, recipi, & admitti possit ad acta Civilia scribenda, in aliquo Foro Civitatis, vel Comitatus, & Districtus Bononiensis, etiam tanquam principalis Notarius, vel quovis modo, & nomine non possit imbululari, vel extrahi ad aliqua officia utilia dignitatis, vel honoris Civitatis, vel Comitatus, & Districtus Bononiensis, & omnis electio, imbutatio, & extractio, quae fieret, & facta esset ex praedictis Notariis, vel aliquo eorum, & non habentium qualitates a Statutis requisitas, & patientium defectus natalium, & illegitimitatis esset ipso jure, & facto nulla, & invalida, & vigore talis electionis, imbutationis, extractionis, vel admissionis, ipse Notarius non possit, nec valerit admitti, & admissio facta, vel facienda quovis titulo etiam roborata quibuscumque clausulis, vel sub quacumque verborum generalitate, aut specialitate a quocumque impetrata, vel impetranda, esset ipso jure, & facto nulla, & nullius roboris, & momenti, & quilibet Notarius inhabilis, non idoneus, & natalium defectus patiens, & non habens origines veras, & requisitas ex forma Statutorum Communis Bononiensis, & Collegii praedicti Notariorum, non possit dispensari ad praemissa, & dispensatio quaecumque esset ipso jure nulla, nec eis prodesset Privilegium aliquod impetratum, vel impetrandum ad derogationem praemissorum, vel aliquam legitimam dispensationem, seu dispensationem de jure, usum, & consuetudine, aut alias quomodolibet necessarium vel requisitarum, ac quovis alios defectus, si qui in praemissis, aut eorum aliquo quomodolibet intervenerint in eisdem supplemus, nec non Edictum, & Constitutiones, ac Statutum, Decretum, pro-

de facto ab eis, & eorum quolibet exigendorum, pro medietate Collegii Notariorum Bononiae, & pro alia medietate locis piis arbitrio ipsius Vicelegati, vel successorum suorum appl. can., & in defectu poena pecuniaria, exilii perpetui a Civitate, vel Territorio Bononiensis.

§. 3. Confirmans etiam, & innovans Statuta Communis Bononiensis, & Collegii praedicti, ac Jurisdictionem, & auctoritatem Correctoris, & Consulum ejusdem Collegii ex dispositione Statutorum, tam Communis, quam Collegii praedictorum ex forma provisionis Registri per praedecessores suos editae, & ipsis Correctori, & Consulibus concessis, quam jurisdictionem quatenus in viridi observantia esset, & omnia in dicta Constitutione contenta ampliavit, prout in Edicto, & Constitutione hujusmodi, ac scripturis desuper confectis plenius dicitur contineri.

Et privilegia Consulum Notariorum confirmat.

§. 4. Cum autem Electum, & Constitutio praedicta pro salubriori dictae Artis, & regimine, ac ad plures abusus, qui in exercitium hujusmodi Artis irrepserant, tollendos facta esse dignoscantur, cupiant propterea dilecti filii Collegium Notariorum Bononiensis, illa, aliaque praemissa pro firmiori eorum subsistentia, & observatione inviolabili nostro, & Sedis Apostolicae patrocinio communiti, & ideo Nobis humiliter supplicari fecerunt, ut in praemissis opportune providere de benignitate Apostolica dignaremur.

Collegium Notariorum Edictum Vicelegati petiti confirmat.

§. 5. Nos igitur dictum Collegium Notariorum specialibus favoribus, & gratiis prosequi volentes, hujusmodi supplicationibus inclinati, Edictum, & Constitutionem hujusmodi, in eisque latas Statutorum & decretorum prohibitiones, ac desuper confectas scripturas, citra tamen praedictum dispensationem super defectu natalium a Nobis, & Apostolica Sede concessarum, & concedendarum, auctoritate Apostolica, tenore praesentium perpetuo approbamus, & confirmamus, nec non Edicti, & Constitutionis, Statutorum & Decretorum prohibitiones, aliaque in eis contenta praedicta ad Notarios quorumcumque aliorum Tribunalium, etiam Tribunalis Fori Mercatorum, ac Rotae Bononiensis, sub quibus non comprehendantur Notarii Curiae Archiepiscopalis, de quibus nullam prorsus mentionem fieri praesentium tenore intelligatur, cum eis fuerit provisum per Constitutiones Archiepiscopi nunc, & pro tempore existentem, etiam ad ipsorum Notariorum Substitutos perpetuo extendimus, & ampliamus, illisque omnibus, & singulis perpetuae, & inviolabilis Apostolicae firmitatis robur adjicimus, ac omnes, & singulos, tam juris, quam facti, ac solemnitatum de jure, usum, & consuetudine, aut alias quomodolibet necessarium vel requisitarum, ac quovis alios defectus, si qui in praemissis, aut eorum aliquo quomodolibet intervenerint in eisdem supplemus, nec non Edictum, & Constitutiones, ac Statutum, Decretum, pro-

Confirmat Clemens.

pro-

1595.

1595.

1595. Dat. die 12. Augusti 1595. Pontificatus nostri Anno quarto.

prohibition. aliaque in eis lata, & contenta hujusmodi, ac ipsius Collegii Notariorum Statuta, Ordinationes, & Capitula praedicta perpetuo valida, & efficacia, perpetuaque, & inconculli roboris esse, & fore, suisque plenarios, & integros effectus sortiri, & obtinere, ac per quoscumque Notarios dicti Collegii sub quibuscumque Tribunalibus Bononiensis, etiam Rotae, & fori Mercatorum praedicti existen., & quovis alios, ad quos quomodolibet spectat, & spectare poterit in futurum, perpetuo, firmiter, & inviolabiliter observari, & adimpleri debere.

Officiorum Translationes in forenses fieri vetat.

§. 6. Ulteriusque ad temeritatem quorundam dicti Collegii Notariorum primariorum Actuariae de scabellis, ut vocant, qui officia, seu scabella sua in fumantes, & forenses Notarios transfertunt contra dispositionem eorundem Statutorum, & in praedictum Notariorum Civium, quibus officia, seu scabella ipsa ex forma dictorum Statutorum competunt, coercendam, quod ex nunc deinceps perpetuis futuris temporibus officia, seu scabella Notariorum primariorum hujusmodi in fumantes, & forenses, aut alias quascumque personas per Edictum, & Statutum ab eis rejectas quoquo modo transferri, sive eis vendi, aut resignari, seu de officiis, aut scabellis hujusmodi in favorem personarum praedictarum disponi, aut persona ipsae ad ea admitti, seu recipi nullatenus unquam possint, neque debeant, perpetuo statumus, & ordinamus, nec non quascumque translationes, venditiones, resignationes, aut alias dispositiones de officiis, seu scabellis eisdem in favorem fumantium, seu forensium, aut personarum praedictarum quomodolibet, & quovis modo facien, nullas penitus, & invalidas, nulliusque roboris, & momenti existere, & fore, ac eisdem personis nullatenus suffragari posse.

Clausula.

§. 7. Sicque per quoscumque Judices Ordinarios, etiam Palatii nostri Casuarum Auditores, ac S. R. E. Cardinales, & Legatos etiam de latere, nec non Vicelegatos, sublata eis, & eorum cuilibet quavis aliter judicandi, & interpretandi facultate, & auctoritate, iudicari, & definiri debere, ac irritum, & inane quidquid fecerit super his a quocumque quavis auctoritate scienter, vel ignoranter contigerit attentari, decernimus.

Derogat Constitutionibus.

§. 8. Non obstantibus praemissis, ac Constitutionibus, & ordinationibus Apostolicis, nec non quibuscumque Statutis, etiam juramento, confirmatione Apostolica, vel quavis firmitate alia roboratis consuetudinibus, etiam immemorabilibus privilegiis quoque, Indultis, & literis Apostolicis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in genere, vel in specie etiam motu proprio, ac alias in contrarium forsitan quomodolibet concessis, quibus omnibus etiam si de illis specialis, specifica, & de verbo ad verbum expressa mentio habenda esset, hac vice dumtaxat specialiter, & expresse derogamus, contrariis quibuscumque.

CVI.

Indultum a Sixto Papa IV. Scholaribus Monasterii El Real concessum gradus, Laureamque consequendi in qualibet Hispaniarum Universitate, restringitur ad octo Scholares pro quolibet cursu Scholastico.

Ex Regest. in Secr. Brev.

CLEMENS PAPA VIII.

Ac futuram rei memoriam.

§. 1. DUDUM S. R. E. Sixto Papae V. Praedecessori nostro pro parte charissimi in Christo filii nostri, tunc sui Philippi Hispaniarum Regis Catholici, exposito, quod in Collegio Fratrum Ordinis S. Hieronymi, juxta Monasterium S. Laurentii El Real nuncupati, ejusdem Ordinis, prope, & extra muros Oppidi de Escorial, nullius Diocesis Provinciae Toletan. ab ipso Rege fundato, & dotato, ita vigerent, & florent bonarum artium, & praesertim Philosophiae, & Theologiae studia, ut multi, praeter Fratres dicti Ordinis, non secus, atque Universitatum Studiorum generalium, publici Lectores, easdem facultates profiterentur. Quare idem Praedecessor ejusdem Regis, Monasterii, & Collegii praedictorum Fundatoris, & Patroni, supplicationibus inclinatus, omnibus, & singulis, tam dicti Ordinis Professoribus, quam etiam secularibus Clericis, vel Laicis, qui in praedicto Collegio hujusmodi facultatibus operam dederint, earumque professores audierint, si, & postquam, more solito, cursus studiorum perfecerint, & de hoc fidem obtinuerint, ut in quacumque Universitate studiorum generalium in Regnis Hispaniarum consistentium, gradibus Baccalaureatus, licentiarum, Magisterii, seu Doctoratus, tam artium, quam Theologiae, prout eorum quisque, perfecto cursu, ac praevio consueto examine, idoneus repertus fuerit, perinde, ac si eosdem studiorum cursus, actu, in ipsa Universitate absolvisset, & in Matricula scholasticorum ejus Universitatis descripti fuissent, insigniri, & ad hujusmodi gradus recipi, & admitti, & postquam graduati fuerint, omnibus privilegiis, gratiis, & Indultis, quibus alii graduati, qui in ea Universitate studuerint, uterentur, potirentur, & gauderent, indulgit; mandans locorum ordinariis, & Universitatum Rectoribus, & Superioribus, ut dictas personas seculares, vel regulares, quae sub disciplina professorum Collegii praedicti, debito tempore, & ut moris est, in praedictis facultatibus respective operam dedissent; quique, ut praefertur, idonei reperti fuissent, ad gradus praedictos sine ulla controversia, reciperent, & admitterent, & alias, prout in ejusdem Sixti Praedec. in forma Brevis ultima Octobris 1587. expeditis literis plenius continetur.

Sixtus Pap. V. Scholaribus Monasterii hujus concessit, ut in qualibet Hispaniarum Universitate Lauream consequerentur.

§. 2. Cum

1595. Philippus Rex ad aliquos ex his tale Privilegium restitui peti.

§. 2. Cum autem, sicut Nobis nuper idem Philippus Rex exponi fecit, rationabilibus de causis expediat, facultatem Sixti Prædecessoris hujusmodi, quoad seculares Clericos, vel laicos, qui in dicto Collegio hujusmodi facultatibus operam dederint, ad numerum octo, pro quolibet cursu hujusmodi, dictam facultatem restringi: Quare idem Rex Nobis humiliter supplicari fecit, quatenus in præmissis opportune providere de benignitate Apostolica dignaremur.

Clemens restituit ad octo pro quolibet cursu scolastico.

§. 3. Nos igitur supplicationibus hujusmodi inclinati, ac prædictarum literarum Sixti Prædecessoris tenores pro expressis habentes, facultatem, & Indultum ejusdem Prædecessoris, ad numerum octo Collegialium, juxta Constitutiones ab ipso Philippo Rege, & Fundatore editas, imbi studentium, pro quolibet cursu restringimus, & limitamus, ita ut, ultra numerum prædictum, quoad seculares Clericos, sive laicos, nullam penitus tribuant facultatem, ac si non emanassent, illis, quoad dictos octo Collegiales tantum, & dicti Ordinis professores, prout emanarunt, in suo robore permanentibus.

Derogatio contrariorum. Dat. die 19. Augusti 1595. Ann. IV.

§. 4. Non obstantibus literis prædictis, cæterisque contrariis quibuscumque. Datum Romæ apud S. Marcum, sub Annulo Piscatoris die 19. Augusti 1595. Pontificatus nostri Anno quarto.

CVII.

Instructio super Ritibus Italico-Græcorum.

Ad hæc & totam materiam Græcorum, attende Constit. XXXV. Innocentii IV. Sub Catholica. Tom. III. fol. 340.

Sacramentum Baptismi.

Sanctissimus Dominus noster Clemens Papa Octavus &c. Presbyteri Græci, baptizatos Chriftmate in fronte non consignent, & ideo ab ipsis in ordine baptisimi apud eorum Euchologium præmittantur, que sequuntur post illa verba *εἰς τὴν ὄψιν τοῦ ὕδατος* &c. usque ibi, *ὡς παρὸς τὸ ἕλθαι σὺν ὕδατι* hoc est, & post orationem &c. ubi habetur forma hujus consignationis, usque ad verba: Postea facit Sacerdos figuram circuli &c.

Sacramentum Confirmationis.

§. 1. Episcopi Latini infantes, seu alios baptizatos a Presbyteris Græcis de factio chrisimate in fronte consignatos confirmant; tutius videtur ut ad cautelam, & sub conditione id faciant, videlicet, Nisi es confirmatus, ego te non confirmo, sed si non es confirmatus, ego consigno te signo Cræcis, & confirmo te chrisimate salutis: & in nomine Patris, & Filii, & Spiritus Sancti. Præsertim vero cum verisimiliter dubitari potest, quod ab Episcopis Græcis fuerint baptizati.

Sacramentum Eucharistie.

§. 2. Sanctissimum Eucharistie Sacramentum, quod pro infirmis aservatur, singulis octo diebus, aut saltem quindecim renovetur.

Non aservetur idem Sacramentum toto anno, si tamen aservatum fuerit, saltem in fine anni sumatur.

Tollatur abusus tundendi, vel etiam miscendi sacro Oleo, ac iterum coquendi, vel alias exciccandi species Sacramenti Sacrae Eucharistie Feria V. Coenæ Domini, ut deinde illud asservent.

Si Græci velint accipere Altaria portatilia ab Episcopis Latinis consecrata bene erit; sin minus, tolerentur eorum throni, sive throni super Altaria lapidea ponendi cum celebrant.

Corporalia uti Latini habeant, nisi thronis etiam pro corporalibus urantur.

§. 3. In casu necessitatis, Presbyteri Græci Catholici possint Latinos absolvere.

Utantur forma absolutionis in generali Concilio Florentino præscripta, & postea si voluerint, dicant orationem illam deprecativam, quam pro forma hujusmodi absolutionis dicere tantum consueverunt.

Tollendus abusus, ubi est, ut vir, atque uxor simul, & eodem tempore eidem Presbytero confiteantur.

Aqua ex Ritu Græco in die Epiphaniæ, vel primo die mensis benedicta, conservetur in Ecclesia, ut illa fideles aspergantur.

Circa Oleum Sanctum Catechumenorum, & Infirmorum.

Non sunt cogendi Presbyteri Græci, Olea sancta præter Chriftina ab Episcopis Latinis Dioecesanis accipere, cum hujusmodi Olea ab eis, in ipsa Oleorum, & Sacramentorum exhibitione, ex veteri Ritu conficiantur, seu benedicantur. Chriftina autem, quod non nisi ab Episcopo, etiam juxta eorum ritum, benedici potest, cogantur accipere. Prohibeantur vero ab Episcopis Græcis externis Schismaticis, seu Sanctæ Romanæ Ecclesiæ communionem non habentibus, illud accipere, vel eo uti.

§. 4. Ordinati ab Episcopis Schismaticis, alias rite ordinati, servata debita forma, recipiunt quidem ordinem, sed non executionem.

Proinde ipsi ordinati ab Episcopis Schismaticis, correcti, vel emendati reconciliandi sunt, & absolvendi cum poenitentis salutaribus; dummodo errores, vel saltem schisma Ordinatoris abjuncti in judicio, vel publice, vel secreto pro qualitate facti. In ordinibus autem per eos alias rite susceptis ministrare non permittantur, nisi cum ipsis super irregularitate hujusmodi occasione contracta, auctoritate Sanctæ Sedis Apostolica fuerit dispensatum.

Non sunt admittendi Episcopi Schismatici, sive pro ordinibus, sive pro aliis Sacramentis conferendis, sed detinendi, quoad Sancta Sede Apostolica desuper consulatur, & responsum habeatur.

Græci sine literis dimissorias Episcopi Latini Dioecesani ad Sacros Ordines promoti, suspensi sunt, & si suspensi in suis ordinibus ministraverint, efficiuntur irregulares sicut & Latini.

Super hujusmodi autem, & similibus irregularitatibus dispensandi facultatem a Sancta Sede Apostolica obtineri oportet.

Sacramentum Poenitentie.

Sacramentum Ordinis.

Si

Sacramentum Matrimonii.

Si Episcopus Latinus Græcum aliquem ordinare voluerit, qui a Presbytero Græco in baptismo chrisimate in fronte de facto fuerit consignatus, debet illum antea confirmare, saltem sub conditione videlicet N. si es confirmatus &c. ut supra. Presbyteri vidui, seu uxoris orbat, habitum deferant diversum ab aliis.

§. 5. Curent Ordinarii locorum, ut decretum Sacri Generalis Concilii Tridentini de reformatione Matrimonii vertatur in linguam Græcam vulgarem, & in locis, & Parochiis Græcorum, & Albanensium evulgetur, & publicetur.

Matrimonia inter conjuges Græcos dirimi, seu divortia quoad vinculum fieri nullo modo permittant, aut patiantur, & si qua de facto processerunt, nulla, & irrita decernant.

Maritus Latinus Uxor Græcæ ritum non sequatur.

Latina uxor non sequatur ritum mariti Græci.

Græca vero uxor sequatur ritum mariti Latini.

Quod si id fieri non possit, quisque conjugum in suo ritu, Catholico tamen, manere permittatur.

Proles sequatur patris ritum, nisi prævaluerit mater Latina.

Presbyter Græcus conjugatus, ante Sacrum Sacrificium, seu Sanctam Missam celebrandam, vel per hebdomadam, vel per triduum abstineat ab uxore.

§. 6. Græci credere tenentur, etiam a Filio Spiritum Sanctum procedere, sed non tenentur pronunciare, nisi subesse scandalum, præsertim si degant inter Latinos, aut necessitas postularet constituendi fidem Catholicam, quia tunc opporret etiam pronunciare.

Nunquam Monachis Græcis, seu Calogeris animarum cura committatur, nisi ex necessitate, vel alia justa causa.

Presbyteri seculares Græci, abjuratis schismate, & erroribus, atque in fide Catholica bene instructi, in Parochialibus, seu Curatis Ecclesiis Græcorum institui possunt.

Tolerandus est apud Græcos usus carniui die Sabbati, ubi sine scandalo fieri potest, in locis tamen ipsorum, & inter eos tantum.

Item tolerandum est, ut ad Jejunium eodem die Sabbati in Quadragesima, excepto uno Sabbato Sancto, ex antiqua traditione non teneantur, sed dumtaxat ad abstinentiam.

In jejniis biduanis, vel triduanis, vel alias a Dioecesanis, vel in Jubilæis a Summo Romano Pontifice indictis, dies Sabbati in eis comprehensus, vel præscriptus, in alium diem pro plebibus Græcis ab ipsis Dioecesanis, Apostolica auctoritate Sanctissimi Domini Nostri Domini Clementis divina providentia Papæ Octavi permissum commutari.

Si ipsi Græci ad observationem jejuniorum, & vigiliarum Latine Ecclesiæ induci possent, optimum esset, sed non cogantur, Bull. Rom. Tom. V. Par. II.

Aliaque Dogmata.

De jejniis.

cum ipsi qualibet hebdomada, & feria quarta, & feria sexta jejunent.

Græci existentes inter Latinos, dies festos de Præcepto ejusdem Latine Ecclesiæ servare teneantur.

§. 7. Insuper idem Sanctissimus Dominus Noster constituit, Romæ habendum esse Episcopum Græcum Catholicum, qui Græcos Episcopos Latinis Italiae, & Insularum adjacentium subiectos, ab Episcopo Græco ordinari volentes, cum illorum dimissorias ad id tantum concedendis, ritu Græco ordinet.

§. 8. Ita Sanctitas Sua ex Sententia Congregationis super reformatione Græcorum decrevit, & declaravit, ac fieri mandavit.

Datum Romæ in Palatio Montis Quirinalis apud S. Marcum, die 31. mensis Augusti, Anno Domini 1595. Pontificatus sui Anno Quarto.

Episcopus Græcus Romæ sic &c.

Decreta Pontificia.

Dat. die 31. Augusti 1595. An. IV.

CVIII.

Facultas Reformatibus Civitatis Bononiensis. Vestigalia nonnulla augendi, & nova aliqua imponendi.

Ex Regest. in Secret. Brevis.

Dilectis Filiis Vexillifero, & Regimini Virorum Reformatorum Status Libertatis Civitatis nostræ Bononiensis.

CLEMENS PAPA VIII.

Dilecti filii salutem, & Apostolicam benedictionem.

Graves, quibus in tantis totius Christianæ Reipublicæ calamitatibus angimur, sollicitudines, subditorum nostrorum, præcipue vero istius nobilissima Civitatis angustis, eo magis augentur, quo minus promptas, citra novorum onerum impositiones, earum solvendarum rationes habemus. Accepi mus siquidem Civitatem istam, seu vestrae Communitatis Cameram, licet multa a Nobis adhibita sint ad ejus necessitates sublevandas, per nonnullorum Montium erectiones, & augmenta, huc usque remedia, gravi nihilominus adhuc ære alieno, ea potissimum de causa contracto, quod durante superiorum annorum penuria, frumenta Communitatis, ære carius empta, in Populi beneficium viliori pretio sunt vendita, quodque in transitu Exercitus nostri Ecclesiastici, in Hungariam proficiscentis, graves sumptus ab ipsa Communitate necessario, facti fuerunt, gravatam reperiri, & tum ad hujusmodi ære alienum dissolvendum subventioni Trerimium, quæ Gabella grossa nuncupatum, super qua subventioni prædictæ Constitutio ad ipsam Communitatem spectans assignata erat, supplere non potest, Vobis de alicujus novæ subventionis auxilio providendum esse.

Bononia propter causas hic allatas multo ære alieno gravata.

Pontifex Reformatibus facultatē dat vetera augendi.

K

1595.  
di, novaque  
imponendi ve  
tigalia.

pinus, cum alia ratione id modo praestari nequeat, ad ea, quae alioquin ab instituto nostro profus aliena existunt, onera nimirum subditis nostris augendi, remedia recurrere cogimur. Supplicationibus igitur, vestro nomine, Nobis super hoc humiliter porrectis, inclinati, vobis, ut, cum interventu Venerabilis Fratris Annibalis Episcopi Carcaſsonen., in ista Civitate Vice-Legati, infrascriptas Gabellas augere, & de novo respective imponere, easque auctas, & impositas, ad decennium proximum, a data praesentium computandum, exigent, ac in aeris alieni extinctionem, & alios vestrae Communitatis usus, & utilitatem convertere, libere, & licite valeatis, auctoritate Apostolica, tenore praesentium, licentiam, & facultatem concedimus, & impartimur.

Omnisque ad  
ea solvenda  
teneri decla-  
rat.

§.3. Decernentes omnia, & singula augmenta, & impositiones per Vos, praesentium vigore facienda, per quascumque personas, quantumvis immunes, exemptas, & privilegiatas, etiam ecclesiasticas tam saeculares, quam quorumvis Ordinum, & Militiarum, etiam Hospitalis S. Joannis Hierosolymitani, utriusque sexus, etiam Collegiorum Hispanici, Ancarani, Flisci, Montis Alti, & aliorum in dicta Civitate Bononiae existentium, atque ejusdem Civitatis Archiepiscopi, seu ejus Coadjutoris, etiam ratione clericatus, seu alias ex dispositione juris communis, aut municipalis, vel ex speciali privilegio, etiam per Nos, aut Praedecessores nostros Romanos Pontifices, & Sedem Apostolicam, aut modernum, vel pro tempore existentem dictae Civitatis Legatum, vel ejus Vice-Legatum, aut Vos Viros Reformatores, ex quavis causa, etiam onerosa, ac sub quibuscumque verborum formis, & tenoribus, ac cum quibusvis clausulis, etiam derogatoriis derogatoriis, ac irritantibus, & aliis decretis, concessis, & saepius confirmato, & innovato, exceptis tamen mendicantibus, ac illis, qui per veram, & actualem exburſationem pecuniarum, in Camera, & Sedis Apostolicae subventionem, factam, aut ratione numeri duodecim filiorum exempti sunt, dumtaxat, etiam si eadem personae Episcopali, vel Archiepiscopali, vel majori dignitate praefulgeant, aut reformatoris status libertatis ipsius Civitatis, vel alia quacumque mundana, vel saeculari potestate, & auctoritate sint suffulta, nec non pro eis Agentes, ac eorum conductores, & cessionarios, tam in emendo, quam in vendendo quaecumque bona dictis augmentis supposita, & obnoxia, persolvi debere absque ulla personarum earumdem exceptione, vel differentia, perinde ac si minime exempta, vel privilegiata existerent, nec de aliqua earum exemptione, immunitate, vel privilegio constaret, quinimo quascumque similes exemptiones, libertates, & immunitates eis, aut cuicumque earum, quavis ratione, causa, vel occasione competentes, ut praefertur, quoad hujusmodi augmentum, &

impositionem, illis nullatenus suffragari debere.

§.4. Sicque per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, etiam de latere Legatos, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac irritum, & inane quidquid secus super his a quoquam, quavis auctoritate, scienter, vel ignoranter contigerit attentari, decernimus, & declaramus.

Clausula.

Vestigalia au-  
genda recen-  
set.

§.5. Augmenta vero Gabellarum, quae a Vobis fieri permisimus, haec sunt: nimirum, ut exempti omnes, praeter Datum ordinarium, quadrantes duodecim pro singulo Vehiculo rerum eorum in Civitatem comportandarum, ad portas Civitatis, per quas introducuntur, solvant; utque quadrantes tres pro singula Corba, ut vocant, frumenti, ad Molendinum pariter solvant, quae duo augmenta, seu impositiones ad libras sex mille circiter quotannis ascendent. Ut non exempti Quadrantes sex pro singulo Vehiculo, & sex pro singula Corba, ut supra, ultra solitum solvant, quae augmenta ad libras quindecim mille circiter annuatim ascendent. Ut pro singulo Quartirolo, ut vocant, salis, ultra solitum pretium, & vecturae, alteriusque hucusque solvi solite impositionis solutionem, quadrantes sex ab omnibus tam exemptis, quam non exemptis, indifferenter persolvendi augeantur, quod augmentum ad summam annuam ter millium librarum circiter ascendet. Ut pro singulo Vehiculo rerum cujusvis generis, ex Comitatu Bononiae, cum solita licentia, & prout consuetum hactenus existit, extrahendarum, Bononienae decem persolvantur; Ex quibus summa duarum millium circiter Librarum, singulis annis percipi poterit. Ut solutiones omnes quorumcumque Datorum, tam novorum, quam antiquorum, ex moneta nova ad monetam antiquam reducantur, ex qua reductione librae circiter triginta mille annuatim percipi poterunt; sicque augmenta, & redutio supradictae summam annuam sexaginta unius millium librarum, vel circa constituent. Volumus autem, ut si quid, ultra dictam summam exinde percipietur, id totum, quod summam praedictam excedet, in extinctionem Montium Annonae Bononienae, convertatur; Urque Vos eandem summam in alios, quam supradictos usus, nullatenus convertere possitis; ipso vero decennio elapso, augmenta, & impositiones omnes supradictae, eo ipso extincta, omniaque in pristinum redacta sint, & esse censeantur, ac supradictae contributionis Tirremium onus ad praedictam Gabellam grossam pertineat, vosque illa ulterius exigere, nullo modo possitis.

Exequutores  
designati.

§.6. Quocirca nostro, & Apostolicae Sedis in ipsa Civitate de Latere nunc, & pro tempore existenti Legato, seu eidem Annibali Episcopo moderno, & pro tempore existenti ipsius Civitatis Vice-Legato, seu

seu Governatori, per praesentes committimus, & mandamus, quatenus praesentes literas, & in eis contenta quaecumque ubi, & quando opus fuerit per se, vel alium solemniter publicando, Vobisque in praemissis efficacis defensionis praesidio assistens, faciat, auctoritate nostra, dicto decennio durante, Vos, seu a vobis deputatos, libera exactione, & perceptione augmentorum, & impositionum hujusmodi frui, & gaudere; non permittens Vos desuper a quoquam, quavis auctoritate, quomodolibet indebite molestari. Contradictores quoslibet per censuras, & poenas ecclesiasticas, ac alia opportuna juris, & facti remedia compeſcendo; Vos vero, seu Deputatos quotannis, coram eo, rationem exactio- nis, & expositionis augmentorum eorumdem reddere faciat, prout vos, & deputatos praedictos ad hujusmodi rationem reddendam teneri, ac cogi, & compelli posse statuimus, & ordinamus.

Contraria  
tollit.

§.7. Non obstantibus quibusvis Apostolicis, ac in Universalibus, Provincialibus, & Synodalibus Conciliis editis generalibus, vel specialibus Constitutionibus, & Ordinationibus, praesertim fel. re. Symmachi Papae Praedecessoris nostri, quae incipit: *Non liceat*, ac regula nostra de non tollendo jure quaesito, nec non quibusvis legibus, etiam Imperialibus, & Municipalibus, statutis quoque, & consuetudinibus Civitatis, & Districtus Bononiae, ac quorumvis Ordinum, & Militiarum, etiam juramento, confirmatione Apostolica, vel quavis firmitate alia roboratis, privilegiis quoque, indultis exemptionibus, immunitatibus, libertatibus, & Literis Apostolicis, etiam Mare magnum, & Balla aurea nuncupat. Quibusvis Ordinibus etiam Mendicantium, aut duodecim Congregationum, aut Militiarum, & Hospitalium, etiam S. Joannis Hierosolymitani, ac S. Stephani, & S. Bartholomaei de Musiano, Bononienae Civitatis, & Diocesis S. Benedicti, seu alterius ex praedictis invicem unitis Monasteriis, illorumque Abbatibus, Superioribus, & personis, ac supradictis Collegiis, & cuilibet ipsorum, ac etiam saecularibus, nec non quorumcumque Castrorum, Terrarum, & Locorum, etiam Civitatis, Comitatus, & Districtus praedictorum, jurisdictione ex quavis causa quomodolibet dismembratorum, & sequestratorum Dominis, seu Comitibus, aut Feudatariis, Livellariis, Vassallis, & Universitatibus per quoscumque Romanos Pontifices Praedecessores nostros, ac Nos, & Sedem Apostolicam, etiam per viam legis, & statuti perpetui, & ex quavis etiam onerosa causa sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, nec non irritantibus, & aliis decretis, etiam motu proprio, & ex certa scientia, ac de Apostolica potestate plenitudine, aut consistorialiter, seu alias quomodolibet concessis, ac etiam iteratis vicibus approbatis, & innovatis. Quibus omnibus, etiam si

Bull. Rom. Tom. V. Par. II.

pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua exquisita forma servanda sit, & in eis caveatur expresse, quod illis nullatenus derogari possit, tenores hujusmodi, eorumque causam, & effectum, praesentibus pro sufficienter expressis, & ad verbum insertis, nec non in modis, & formis ad id servandos, pro individuo servatis habentes, illis alias in suo robore permanentibus hac vice dumtaxat, specialiter, & expresse derogamus, ceterisque contrariis quibuscumque.

Dat. die 6. Se-  
ptemb. 1595.  
An. IV.

Datum Romae apud S. Marcum, sub Annulo Piscatoris die 6. Septembris 1595, Pontificatus nostri Anno IV.

C IX.

Subsidii quinquennialibus scutorum decem millium Carolo Emanuelli a Sixto PP. V. concessis super Fructibus Ecclesiarum, & Beneficiorum Ducatus Sabaudiae, & Pedemontis pro defensione earumdem Ecclesiarum contra vicinos Haereticos additur aliud subsidium quinque millium scutorum intra triennium exigendum.

Ex Regest. in  
Secr. Brev.

Dilecto filio nostro viro Carolo Emanuelli Sabaudiae Duci, & Pedemontium Principi.

CLEMENS PAPA VIII.

Dilecte fili etc. Salutem, & Apostolicam benedictionem.

§.1. CUM alias, sicut exponi Nobis nuper fecisti, fel. rec. Sixtus Papa V. Praedecessor noster tuis supplicationibus inclinatus, ut pleraque ditionis tuae Oppida, & Loca, quae finitimorum Populorum haeretica pravitate pollutorum periculis, & insidiis subiacebant, ex peculio Ecclesiarum, quarum praecipue causa agebatur, aliqua ex parte per te defenderentur, unum decem millium scutorum, auri in auro pro uno quinquennio a Kal. Maii tunc proxime futuri incipiendo per suas literas datas 20. Jun. 1587. in universo Ducatu Sabaudiae, & deinde aliud aliorum decem millium similium scutorum subsidia annua pro alio quinquennio a Kalendis Januarii tunc pariter proxime futuri incipiendo in universo Principatu Pedemontium, nec non Niceae Provinciae, & toto ejus Districtu, ac Territorio, & Statu Oncliae, omnibusque aliis Civitatibus, Oppidibus, Terris, Castris, Villis, & Locis Ditioni tuae citra Montes subiectis consisten. super quarumcumque Metropolitanarum, Cathedralium, Collegiatarum, Parochialium, & aliarum Ecclesiarum, nec non Monasteriorum, & Conventuum, ac etiam Mensarum Archiepiscopali, Episcopali, Abbatiali, Capitularium, & Con-

Sixtus PP. V.  
Caroli Duci  
subsidii quin-  
quennale su-  
per Fructibus  
Ecclesiarum  
Sabaudiae &c.  
decem millia  
scut. bis con-  
cessit.

ventualium, Prioratum quoque, Præpositurarum, Præceptoriarum, Canoniatuum, Præbendarum, Dignitatum, Personatum, administrationum, Officiorum, cæterorumque Beneficiorum Ecclesiasticorum cum cura, & sine cura secularium, ac S. Benedicti, S. Augustini, Cluniacen., Cisterciens., Præmonstraten., Silvestrinorum, & quorumvis aliorum Ordinum, non tamen Mendicantium, utriusque sexus, nec non Congregationum Regularium, ac Hospitalium etiam pauperum hospitalitatem non exercentium, nec non Beate Mariæ Theutonicorum, aliarumque Militiarum, non tamen Sanctorum Mauricii, & Lazari, ac Hospitalis Sancti Joannis Hierosolymitani fructibus, redditibus, & proventibus, juribus, & emolumentis, ac etiam distributionibus quotidianis sub certis modis, & formis tunc expressis exigenda, per alias suas in forma Brevis literas sub Datum 23. Decembris ejusdem anni 1587. expeditas concessit, & assignavit, prout in ipsis literis plenius continetur.

Gregor. XIV. hujusmodi subsidium ad aliquid quinque annorum prorogavit.

§.2. Curque pia mem. Gregorius Papa XIV. etiam Prædecessor noster isdem, tunc urgentibus causis adductus, utramque quinqueannum, ad aliud quinqueannum a fine cujusque ex hujusmodi quinqueannii spective numerandum extenderit, seu subsidia prædicta ad aliud simile quinqueannum ut præfertur computandum prorogavit, & de novo concesserit, prout in ipsis item in simili forma Brevis literas ejusdem Gregorii Prædecessoris expeditis plenius pariter continetur.

Tale subsidium auget Clemens in aliis feudis quinque annis intra triennium exigendi.

§.3. Nunc autem, sicut tua expositio subijungebat, cum eadem causa, defensionis nimirum eorumdem Oppidorum, & Locorum tuæ Ditionis, quæ plurimorum finitimorum Populorum heretica pravitate infestorum periculis, & insidiis assidue subjacent, adhuc vigeant, & pro eorumdem locorum custodia, & Catholice Religionis in eisdem conservatione, tu majores, & graviores sumptus hoc tempore facere cogaris, quam hæcenus feceris, Nobisque propterea supplicaveris ut ex earumdem Ecclesiarum peculio, cum de illarum præcipue incolumitate, & salute nunc magis tractetur, tibi aliquod majoris subventionis auxilium concedere dignemur, ac præterea cum quinqueannum per sel. rec. Gregorium Papam XIV. ultimo prorogatum, seu concessum adhuc duret, Nos volentes tuis necessitatibus aliqua ex parte succurrere, teque specialibus favoribus, & gratis prosequi, singularum literarum prædictarum tenores, præsentibus pro expressis habentes, utrumque annuum subsidium decem millium scutorum super Ducatus Sabaudie, ac Principatus Pedemontium, ac Provinciae Niceæ Statusque Onelie, aliarum Civitatum, Terrarum, & Oppidorum, ac Locorum Ditioni tuæ subsectorum Ecclesiarum, Monasteriorum, Cohventuum, Prioratum, Præpositurarum, Præceptoriarum, Canoniatuum, Præbendarum, Dignitatum, Personatum, Administrationum, Officio-

rum, cæterorumque Beneficiorum Ecclesiasticorum cum cura, & sine cura secularium, ac regularium supra expressorum, & in dicti Sixti V. literis comprehensorum, iisdumtaxat exceptis, quæ ipse Sixtus excepta esse voluit, fructibus, redditibus, proventibus, juribus, & emolumentis, ac distributionibus, ut præfertur, concessa, & prorogata ad triennium tamen proximum a Kalendis præteritorum mensium Januarii, & Maii anni præsentis 1595. inchoatum, & ut sequitur Kalend. mensium Januarii, & Maii futurorum anni 1598. finendum, ad alia scuta quinque millia annua similia, & non ultra, itat utrumque subsidium hujusmodi prædictum, dicto tamen triennio durante, sit, & esse debeat in totum scutorum quindecim millium similibus pro quolibet subsidio, & usque ad eam summam per dictos deputatos, & deputandos ab omnibus, & singulis in eisdem Sixti literis expressis, & compræhensis, durante eodem triennio colligi, & percipi debeat, auctoritate Apostolica tenore præsentium extendimus, & ampliamus, ac in utroque subsidio prædicto augmentum hujusmodi scutorum quinque millium similibus tibi cum eisdem extensionibus, declarationibus, exceptionibus, exemptionibus, & facultatibus sub eisdem sententiis, censuris, & poenis, necnon sub eisdem clausulis, ac etiam irritantibus Decretis, & aliis in dictis literis contentis, perinde ac si ea omnia, & singula in specie præsentibus expressissemus, concedimus, & assignamus.

In exactione vero formam a Sixto PP. V. traditam servari jubet.

§.4. In hujus autem augmenti exactione, modum, & formam in prædictis ejusdem Sixti V. literis expressam in omnibus, & per omnia servari volumus, & decernimus.

Nuncio Apostolico executionem hujusmodi concessionis committit.

§.5. Quocirca Ven. fratri Julio Casari Archiepiscopo Baren. nostro, & Apostolice Sedis apud nobilitatem tuam Nuntio per præsentem committimus, & mandamus, quatenus præsentibus literas, & in eis contenta quæcumque juxta facultates a Sixto Quinto super executione dictorum subsidiorum concessas, publicet, & exequatur, ac subsidiorum hujusmodi augmentum, per Nos, durante dicto triennio tantum factum, etiam sub censuris, & poenis in dictis literis expressis exigi, eidemque Carolo Emanuelli Duci consignari curet, & faciat, contradictores quoslibet, & rebelles, ac præmissis non parentes, juxta earumdem literarum continentiam, & tenorem, ac earum forma servata auctoritate nostra compescendo.

Derogat contrariis.

§.6. Non obstantibus omnibus, quæ iisdem Prædecessores in singulis eorum literis prædictis voluerunt non obstare, ceterisque contrariis quibuscumque.

Transumptis fidem addit.

§.7. Cæterum, quia difficile foret, præsentibus literas ad singula quæque loca, in quibus expediens esset, deferri, volumus, & dicta auctoritate decernimus, quod earumdem præsentium transumptis manu alicujus Notarii publici subscriptis, & sigillo alicujus personæ in dignitate Ecclesiastica con-

constituta, & super collectione subsidii hujusmodi deputata munitis, eadem prorsus fides in Judicio, & extra illud adhibeatur, quæ præsentibus ipsis adhiberetur.

Datum Romæ apud Sanctum Marcum sub Annulo Piscatoris die 14. Sept. 1595. Pontificatus nostri Anno IV.

Dat. die 14. Septem. 1595. An. IV.

C X.

Institutio Monasterii, seu Domus Refugii nuncupate in Alma Urbe, pro Virginitate, honestarumque Viduarum educatione, & aliarum mulierum ad honestam vitam se convertentium probatione: Cum subsidii assignatione; Judicisque specialis deputatione, ad ejusdem Monasterii, ejusque personarum, & Officialium lites dijudicandas.

CLEMENS PAPA VIII.

Ad perpetuam rei memoriam.

Exordium.

IN supremo cura Pastoralis munere, quod nullis nostris meritis, sed divina ope freti subfinemus, nihil magis curandum esse censemus, quam ut periclitantium animarum salutem, & personarum, quæ necessario auxilio destituta sunt, commoditati, quantum cum Domino possumus, consulamus. Quæ quidem paternæ caritatis officia ita cum suscepta administratione sunt conjuncta, ut ea functionis nostræ propria esse sentiamus.

Causæ hujus institutionis, seu erectionis.

§.1. Nos itaque animadvertentes in Alma Urbe nostra, varia alioquin piorum locorum celebritate reserta, certam aliquam domum ad tria personarum genera recipienda hoc tempore desiderari, Puellarum nimirum, ac Virginitatis, quæ variis quæsis antequam nubant, aut vitam religiosam instituant, in discrimine honestatis condite sunt; Viduarum deinde, quæ nullum commune domicilium habent, in quo degant; ac demum earum mulierum, quæ a turpi corporis sui quæstu ad meliorem frugem se recipere volentes, mutandam quidem vitam, ac penitentiam agenda desiderio quandoque inflammantur, sed cum loco indigeant, ubi ab impudica hominum consuetudine prius disjunctæ, tantisper commorentur, quamdiu in Monasterium ad illas recipiendas in Urbe destinatum admittantur, aut aliud honestum vite genus in eant, ne concepto illo ardore sensim refrigerente, in eadem pestifera peccandi libidine perseverent. Considerantesque ulterius, si hæc domus in Urbe erigeretur, proculdubio animarum Christi Immaculati Agni sanguine redemptarum salutem opportuno admodum remedio consultum iri, idcirco ceteris Locis Piis in Urbe a Romanis Pontificibus Prædecessoribus nostris, opportune, pro rerum, ac temporum ratione institutis, ejusmodi domum hoc tempore addendam duximus.

Institutio Domus pro pau-

§.2. Ad laudem igitur Omnipotentis

Dei, ad Virginitatem, & Viduarum, aliarumque mulierum supradictarum commoditatem, & communem domum, quæ in tres diversas partes distribuatur, in quarum aliam Virgines, quæ vel parentibus orbatae, vel eorum cura atque omni alia ope destituta in periculo pudicitia versantur, donec nimirum vel de matrimonio contrahendo, vel de vita religiose instituenda deliberaverint, illisque de convenienti dote, aut elemosyna five a suis, five ab aliis provifum sit, aut quousque de viro, cum quo matrimonium contrahant, aut de Monasterio, in quod admittantur, certo constitutum fuerit; in aliam vero Viduæ honeste conditionis, & famæ, quæ in eadem domo simul degere voluerint. In aliam denique mulieres impudicæ penitentiam agere cupientes, quousque cum cæteris in Monasterium pro eisdem in Urbe designatum recipiantur, aut donec honestum vivendi genus compleant, admitti, & ibidem commorari, atque educari, ac singule sub proprio vite instituto, seorsum Virgines a Viduis, atque a Mulieribus prædictis exercen. instrui, & probari, ac alias regi, & gubernari debeant, in adibus, & viridariis quondam Bernardi Acciajoli in eadem Alma Urbe nostra, in Monte Quirinali sitis, per Nos nuper a dilecto filio Joanne Baptista Acciajolo ejusdem Bernardi filio, & herede, in usum prædictæ domus emptis, atque instauratis, auctoritate Apostolica tenore præsentium erigimus, & institumus.

peccatis Virginitatis in una ejus parte provifus in alia: ac pro impudicis Mulieribus penitentibus in altera.

§.3. Quoniam vero erectionis hujus, atque instituti fundamenta, ita demum firma, & salutaria fore credidimus, si Sanctissimæ Dei Genetricis, ac Virginis Mariæ humani generis Advocatae præsidio, ac patrocinio iuniantur, in primis nos ejusdem Beatissimæ Virginis, quam singulari semper pietatis cultu prosequuti sumus, intercessionem, ac meritis freti, eandem Domum Beate Mariæ Refugii Urbis appellari debere statumimus.

Impositio denominationis Monasterii & fugi B. Virginis in Urbe.

§.4. Ex omnibus vero illius Festivitatibus Assumptionis ejusdem in Cœlum diem, anniversaria solemnitate ibi celebrandam esse decernimus.

Festum ejus Assumptionis ibidem in solemniter celebrandum.

§.5. Pro ejusdem autem domus regimine, & gubernio, Administratores, & Officiales necessarios ad annum proximum, & deinde ad nostrum beneplacitum duraturos, qui regimini, & gubernio dictæ domus præfint, & alia infra scripta exequi curent eligemus.

Officiales pro ejusdem regimine Monasterii ad annum eligentur.

§.6. Quibus Administratoribus, & Officialibus, postquam ut præfertur, electi fuerint, quæcumque statuta, & regulas, ac normam ad hujusmodi regimen, & gubernium prospere dirigendum, necessaria, & opportuna, licita tamen, & honesta, ac sacris Canonibus, & Concilii Tridentini decretis conformia, & a Nobis, & a Sede Apostolica approbata, & affirmata tam a Virginitate, Viduis, & Mulieribus in dictam Domum recipiendis, quam ab ipsis, & aliis futuris Administratoribus, & Officialibus observanda, condendi, & faciendi, in-

Qui opportuna edant statuta, & ordinationes.

1595.

interimque Domum predictam regendi, & gubernandi, illiusque regimini, & gubernio præsidentis, inferiores Ministros eorum arbitrio constituti, & deputandi, & quando eis expedire visum fuerit, mutandi, & revocandi.

Qualitatesque Virorum, Viduarum, & aliarum Mulierum recipiendarum præscribant.

§.7. In primis vero Virorum, Viduarum, & Mulierum in dicta Domo recipiendarum qualitates designandi, & præscribendi, easdemque Virgines, Viduas, & Mulieres in Domum prædictam, donec statuta per eos condita, a Nobisque approbata, & confirmata fuerint, similiter ipsorum arbitrio recipiendi, & admittendi, easque dimittendi.

Eisdem visitent, & corrigant.

§.8. Necnon etiam easdem, cum opus fuerit, visitandi, corrigendi, & reformandi, ipsius Domus bona, & redditus administrandi, ac omnia, & singula alia ad regimen, & gubernium eiusdem Domus, ipsarumque Virginum, Viduarum, & Mulierum commoditatem necessaria, & opportuna faciendi, ordinandi, mandandi, gerendi, & exequendi.

Congregationes duas pro regimine dictæ Domus, ibidem instituant.

§.9. Præterea duas in eadem Domo Congregationes, alteram Virorum, alteram Mulierum, ad infra scripta peragenda, auctoritate nostra instituendi, & erigendi facultatem, & auctoritatem, tenore præsentium concedimus, & impartimur.

Unam Virorum videlicet præfecti, & aliorum Deputatorum, & Ministrorum.

§.10. Ex virorum vero Congregatione unam Præfectam, & aliquos assistentes, & deputatos, necnon ceteros Administratores, & Officiales, pro regimine, & administratione dictæ Domus, eiusque bonorum, & reddituum necessaria, juxta statuta, ut præfertur, condenda, & a Nobis approbanda singulis annis eligenda, & deputanda.

Alteram Mulierum videlicet præfectam, & aliarum Matronarum, Ministrarum, &c.

§.11. Ex Mulierum etiam Congregatione, similiter unam Præfectam, & aliquas Matronas assistentes, necnon ceteras Ministras, & Officiales, ut præfertur necessaria, que munera pro hujusmodi operis executione, & ipsarum Virginum, Viduarum, & Mulierum receptione, regimine, & gubernio, eis in eisdem condendis, & approbandis statutis injungenda, adimplere curent, pariter erigi, & deputari volumus, & ordinamus.

Nemo alius in dicto gubernio se intromittat.

§.12. Insuper Domum, & Congregationes prædictas sub immediata Beatorum Petri, & Pauli, ac nostra, & Successorum nostrorum Romanorum Pontificum, Sedisque Apostolicæ protectione, tutela, & patrocinio recipimus, & perpetuo permanere volumus, ita ut nullis aliis personis, quacumque auctoritate, potestate, & dignitate functionibus, & functionibus, quantumvis speciali nota dignis, in illarum protectione, regimine, administratione, vel gubernio ullo unquam tempore, quavis occasione, prætextu, causa, vel quæsito colore, sese ingerere, vel immiscere liceat.

Clausula sublata.

§.13. Sicque per quoscumque Judices Ordinarios, & Delegatos, etiam causarum Palatii Apostolici Auditores, ipsosque Sanctæ Romanæ Ecclesiæ Cardinales, sublata eis, & eorum cuilibet, quavis aliter iudicandi, & interpretandi facultate, & aucto-

ritate, iudicari, & definiti debere, ac irritum, & inane, quicquid secus super his a quoquam, quavis auctoritate scienter, vel ignoranter contigerit attentari.

Indulgentia pro personis dictarum Congregationum, & aliis.

§.14. Decernimus autem, ut pii utriusque sexus Christiani in prædictis Congregationibus eo libentius admitti, & recipere, ac piis Domus prædictæ obsequiis, ea, qua decet, caritate vacare studeant, de Omnipotentis Dei misericordia, ac beatorum Petri, & Pauli Apostolorum ejus auctoritate confisi, omnibus utriusque sexus Christianis, qui in eisdem Congregationibus pro tempore deseribent. die, quo se describi fecerint, si vere poenitentes, & confessi, Sanctissimum Eucharistiæ Sacramentum sumpserint, plenariam; necnon in cuiusque eorum, qui pro tempore in ipsis Congregationibus descripti fuerint, mortis articulo, si vere poenitentes confessi, factaque Communione refecti fuerint, vel si hoc facere nequiverint, saltem contriti, nomen Jesu ore, vel corde pie invocaverint, etiam plenariam. Necnon tam ipsis, qui in dictis Congregationibus descripti fuerint, quam ceteris Christianis, qui in prædicto Assumptionis, & etiam in Nativitatis, Conceptionis, Purificationis, Annuntiationis, Presentationis, & Visitationis Beate Mariæ festivitatis, a primis Vesperis usque ad occasum Solis earum, Ecclesiam dictæ Domus devote visitaverint, & ibi pro Christianorum Principum concordia, hæresum extirpatione, Sanctæque Matris Ecclesiæ exaltatione, pias ad Deum preces effuderint, similiter plenariam omnium peccatorum suorum indulgentiam, & remissionem misericorditer in Domino concedimus. Insuper personis dictarum Congregationum, quoties divinis Officiis, seu Congregationibus in dicta domo habendis, vel celebrandis interfuerint, vel aliquod pium opus pro d. domo præstiterint, sexaginta dies de injunctis eis, seu alias quomolibet debitis poenitentis in forma Eccl. consueta, relaxamus. Præsentibus quoque ipsos, qui in dictas Congregationes recepserint, perpetuis futuris temporibus, quo vero ad ceteros Christianos, ad decennium proximum valituris. Volumus autem, ut Virgines, Viduæ, & alie Mulieres prædictæ in dictam Domum receptæ, si præmissa omnia, & singula adimpleverint, easdem peccatorum suorum indulgentias, & remissiones, sicut ceteri prædicti, in omnibus consequantur.

D. P. An. IV. 20. Sept. 1595.

Datum Romæ apud Sanctum Marcum sub Annulo Piscatoris, die 20. Sept. 1595. Pontificatus nostri Anno IV.

Sequitur Jurisdictionis d. Monasterii.

CLEMENS PAPA VIII.

Ad futuram rei memoriam.

Cum Nos nuper, ut diversarum pauperum puellarum, ac Virginum in Urbis inopia laborantium, & diversis periculis expo-

Relatio prædictæ institutionis.

expositarum, nec non honestarum viduarum, etiam in celibatu vivere statuentium, honoris, & pudicitie securitati, nec non mulierum, quæ vitam minus honestam antea duxerant, quæque postea ad cor revertebantur carnalium voluptatum relinquere, & poenitentiam agere decreverint, commoditati, & probationi, donec vel in aliquod Urbis Monasterium admittæ fuerint, vel illis alias provisum fuerit, paternam caritate consulere, unam Domum Refugii nuncupatam in Monte Quirinali, in ædibus & viridariis q. Bernardi Acciajoli per Nos ab ipsis Bernardi hæredibus magno sumptu comparatis, erigendam, ibique unum Collegium pauperum Virginum, & honestarum Viduarum, ac pro illis, nec non mulieribus prædictis poenitentibus quousque similiter in aliquod Monasterium, ut supra, receptæ fuerint, seu alias illis pariter provisum fuerit, recipendis, mansiones separatas instituendas, & instaurandas decreverimus, jamque magna ex parte adificia dictæ domus instaurata fuerint.

Relatio subventionis d. Monasterii per hunc Pontific. subministrata.

§.1. Verum cum ad earum perfectionem, & suppellectilis, ac rerum necessariarum comparationem, non mediocri impensa faciendæ sit. Nos ut pretium ædium, & viridarii prædictorum quanto citius integre persolvi possit, tria millia per Joffiedum Lomellinum Cam. Apost. Clericum pro residuo pretii officii Clericatus dictæ Camera Apostolicæ, quod obtinet, & mille, & trecenta per Julium, & ejus filium de Philippis Veltternenses, pro compositione cum Camera Apostolica, ac alia scuta mille monetæ per equites Angelum, & Alexandrum de Cananis, pro compositione spolia, & bonorum quondam bon. mem. Card. Canani solvere promissa, & conventa. Necnon alia mille quingenta per Universitatem Macellariorum, seu diversos eorum particulares dilectos filios, pro residuo decem millium occasione mutui per Cameram Apostolicam facti debita, & quascumque alias pecuniarum summas nuper per Cameram Apostolicam, seu ejus Ministros diversis particularibus Macellaris in eorum subventionem mutuatas, irrevocabiliter inter vivos donavimus, & concessimus. Et administratores dicti Collegii, seu Domus, dilectos etiam filios Confraternitatem Virorum ibidem erectam, seu erigendam, deputavimus, eosque procuratores irrevocabiles, ut in rem propriam ad dictas summas, ut præfertur donatas, & earum singularum exigen. & de eis quietan. fecimus, & constituimus, prout in aliis nostris literis plenius continetur.

Causæ concessio hujus Jurisdictionis.

§.2. Considerantes, quod eis valde difficile redderetur, si pro consequitione supradictorum creditorum, eis ut præfertur, donatorum, & concessorum, & quorumvis aliorum bonorum, & pecuniarum, Domui, seu Collegio hujusmodi, ac personis pro tempore in eo degen. debitarum, manutentioneque, & conservatione omnium bonorum suorum, jurium, & actionum,

nunc & pro tempore tam ad Domum, & Collegium hujusmodi, quam etiam singulas personas in eo degentes, illiusque officiales, Administratores, & illi deservientes, ac litium, & causarum desuper tam active, quam passive jam forsan ortarum, & que oriri contingerit in futurum, in diversis Alma Urbis Tribunalibus, & coram diversis Judicibus agere, seu trahi, & se ac eorum, & Domus, seu Collegii hujusmodi bona, & jura recuperare, ac defendere, & tueri cogentur, ac in diversis locis molestarentur, volentes propterea eorum indemnitati, ac jurium, & bonorum conservationi opportune consulere, ac paternam diligentiam providere.

Deputatio Juridici causarum d. Monasterii, & ejus per sonatum.

§.3. Motu proprio, & ex certa scientia nostra, deque Apostolicæ potestatis plenitudine, harum serie, hac prima vice, dilectum filium Rodolphum Bonifolium Bononien, Senatorem, de cujus scientia, providentia, solertia, & integritate plurimum in Domino confidimus, in Judicem Ordinarium dictæ Domus, seu Collegii, ac quarumcumque personarum illius tam Virginum, & Viduarum, & aliarum Mulierum supradictarum, quam etiam quarumcumque aliarum personarum tam ibi pro tempore degen., quam etiam ad servitium ejusdem Domus, seu Collegii commorantium, cujusvis sexus, ordinis, conditionis existentium, necnon Officialium, & Administratores illius pro tempore deputatorum, eorum officio, & administratione, dumtaxat durante pro hac prima vice eligimus, constituimus, & deputamus; relicta in posterum eidem Confraternitati, & ejus Officialibus, alium, seu alios debent amoven. seu revocari. prout sibi bene visum fuerit.

Concessio Jurisdictionis d. plurimæ.

§.4. Cum plena, ampla, & libera facultate, auctoritate, & potestate, ac Jurisdictione, omnes, & singulas lites, & causas, ac differentias tam civiles, quam criminales, & mixtas tam super exactione dictarum pecuniarum donatarum, ac ratione Domus, seu Collegii hujusmodi, & personarum prædictarum, quam etiam eorum bonorum, rerum, jurium, & actionum, nec non aliorum quorumcumque inter vivos, & causa mortis, vel quasi contractum etiam inter se, Camerales obligationes, & seu illius vim habentes, active, & passive, ultra citroque, etiam per appellationem, & in quacumque instantia, quavis occasione, prætextu, vel causa, & prætextu, quomodocumque, & qualitercumque motas, & movendas, summarie, simpliciter, & de plano, sola facti veritate inspecta, ac etiam manu regia, & absque aliqua substantialium, aut aliorum terminorum observatione, aut alia tela judiciaria, ubicumque, & quomodocumque principaliter, vel incidenter tractabitur, aut agatur de aliquo etiam minimo jure, aut interesse Domus, seu Collegii, aut personarum prædictarum, seu cujuslibet earum tam active, quam passive, ac privative ad omnes, & singulos alios tam ordinarios, quam Delegatos Judices,